

Broj: 03-04-1306-2/21
Sarajevo, 17.11.2021. godine

PARLAMENT FEDERACIJE BOSNE I HERCEGOVINE

Dom naroda

n/p gosp. Nijazu Musiću, izaslaniku
n/p gosp. Izmiru Hadžiću, tajniku

Predmet: Odgovor na izaslaničko pitanje

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u pravitku Vam dostavljam akt Federalne uprave policije, broj: 09-04-3-2617 od 16. studenog 2021. godine, koji se odnosi na izaslaničko pitanje, koje je postavio izaslanik Nijaz Musić.

S poštovanjem,


TAJNIK VLADE
mr. sc. Edita Kalajdžić

Privitak: kao u tekstu



Broj: 09-04-3-2617
Sarajevo, 16.11.2021. godine

BOSNA I HERCEGOVINA
FEDERACIJA BOSNE I HERCEGOVINE
VLADA
n/r Sekretara, Edita Kalajdžić

BOSNA I HERCEGOVINA
FEDERACIJA BOSNE I HERCEGOVINE

17.11.2021
03-04-1306-2/2021

PREDMET: Delegatsko pitanje Nijaza Musića, delegat u Domu naroda Parlamenta FBiH, odgovor, d o s t a v l j a s e.-

VEZA: Vaš akt broj 03-04-1306-2/21 od 11.11.2021.godine.

Shodno Vašem aktu broj i datum veze, kojim je zatraženo dostavljanje odgovora na pitanje delegata Doma naroda Parlamenta FBiH, Nijaza Musića, koje glasi „Kakva je svrha osnivanja detašmana po kantonima? Naime, ustavna nadležnost kada su u pitanju unutrašnji poslovi podjeljena je između kantona i Federacije i odnos Federalne uprave policije sa upravama policije kantona je odnos koordinacije, dakle nema subordinacije, imaju svoje nadležnosti, ono što mi na određen način zaparalo oči uši je način osnivanja detašmana i mene isto kao kolegu Ramu Isaka podsjeća sve više da su detašmani ustvari produžena ruka određenih politika u kantonima. Jako dobro znamo da je 2014. godine usvojen Zakon o unutrašnjim poslovima FBiH i na insistiranje međunarodne zajednice u pravo i tim zakonom je data finansijska i operativna samostalnost upravama policije. Moj kanton BPK je tu aktivnost sproveo među prvim odnosno prvi 2010. godine međutim ja nekako sam skeptik kada je u pitanju sam rad i odnos Federalne uprave policije prema kantonalnim upravama.“ U daljem tekstu dostavljamo odgovor na isto, i to:

Federalna uprava policije je policijski organ koji svoje poslove obavlja na osnovu, Ustavom i Zakonom utvrđene nadležnosti na cijeloj teritoriji Federacije BiH, a sve u cilju sprečavanja i otkrivanja krivičnih djela terorizma, međukantonalnog kriminala, stavljanja u promet opojnih droga i organiziranog kriminala, te pronalazjenje i hvatanje učinilaca tih krivičnih djela i njihovo privođenje nadležnim organima i druge zakonom definisane poslove među kojima je procesuiranje i dokumentovanje ratnih zločina.

Na osnovu unutrašnje organizacije Federalne uprave policije definisane Pravilnikom o unutrašnjoj organizaciji Federalnog ministarstva unutrašnjih poslova - Federalnog ministarstva unutrašnjih poslova iz 2015. godine, ustrojeno je 13 osnovnih organizacionih jedinica i to: Kabinet direktora Uprave policije, Federalna istražna služba kriminalističke policije, Sektor za podršku, Terenski ured Sarajevo za područje Kantona Sarajevo, Bosansko-podrinjskog kantona, Srednjobosanskog kantona i Zeničko-

dobojskog kantona, Terenski ured Mostar za područje Hercegovačko-neretvanskog kantona, Zapadno-hercegovačkog kantona, Kantona 10 i Unsko-sanskog kantona, Terenski ured Tuzla za područje Tuzlanskog i Posavskog kantona, Sektor uniformisane policije, Specijalna policijska jedinica, Jedinica za profesionalne standarde, Centar za forenzička ispitivanja, vještačenja i istraživanja, Sektor za administraciju, Sektor za materijalno-finansijske poslove i Jedinica za internu reviziju.

U skladu sa navedenim Pravilnikom u sklopu osnovnih organizacionih jedinica ustrojene su unutrašnje organizacione jedinice, koje podrazumijevaju i Detašmane u sastavu Terenskih ureda, a podsjećamo Vas da je navedeno uspostavljanje Detašmana u sastavu Federalne uprave policije takođe definisano i članom 21. „Organiziranje podureda operativnih policijskih jedinica“ Zakona o unutrašnjim poslovima FBiH („Službene novine FBiH“, broj 81/14).

Iz navedenog je vidljivo da nije tek sad osnovan Detašman, u konkretnom slučaju Detašman u Goraždu, već da je to od ranije ustrojena organizaciona jedinica čiji je tačan naziv **Detašman Sarajevo za područje Kantona Sarajevo i Bosansko-podrinjskog Kantona**, a čiji je opis poslova prema pravilniku sljedeći:

„Neposredno i u saradnji sa KMUP-ovima ovih kantona, obavlja poslove sprečavanja i otkrivanja krivičnih djela organiziranog kriminala, terorizma, nelegalne proizvodnje i stavljanje u promet opojnih droga, međukantonalnog kriminala i drugih krivičnih djela iz nadležnosti FUP-e, na području Kantona Sarajevo i Bosansko-podrinjskog kantona; pronalaženje i hvatanje počilaca navedenih krivičnih djela, te njihovo privođenje nadležnim organima; planira i vodi operativne aktivnosti na prikupljanju sigurnosno interesantnih podataka o licima, odnosno grupama za koje postoje osnovi sumnje da su učestvovali u izvršenju krivičnih djela, a čije sprečavanje i otkrivanje je u djelokrugu rada Federalne uprave policije; formira, vodi, ažurira dosje kriminalističkih obrada po zaduženim predmetima; vodi propisane evidencije na nivou Detašmana; obavezno ostvaruje saradnju sa KMUP-ovima na pravovremenom informisanju o počinjenom krivičnom djelu; ostvaruje saradnju na razmjeni informacija i koordinira aktivnosti sa ostalim policijskim agencijama i organima u BiH na sprječavanju i otkrivanju krivičnih djela iz nadležnosti FUP-e po odobrenju načelnika Terenskog ureda Sarajevo koji djeluju na području ovih kantona; obavlja i druge poslove i zadatke iz djelokruga rada Terenskog ureda Sarajevo koji mu budu povjereni.“

Nadalje, od dana 14.10.2021. godine Federalnoj upravi policije je data na korištenje jedna prostorija u zgradi Ministarstva unutrašnjih poslova Bosansko-podrinjskog kantona, koja će se u buduće koristiti za provođenje istražnih radnji na dokumentovanju krivičnih djela iz nadležnosti ove Uprave policije, posebno u pogledu planiranog intenziviranja aktivnosti na dokumentovanju i procesuiranju predmeta ratnih zločina, obzirom na činjenica da na području Bosansko-podrinjskog kantona ima veliki broj slobodnih i nekažnjenih lica odgovornih za počinjenje ratnih zločina, tačnije postoji veliki broj neriješenih predmeta koji su prioritet na temelju Državne strategije za rad na predmetima ratnih zločina.

Kako je navedenom Strategijom izvršena raspodjela predmeta ratnih zločina između pravosuđa na nivou BiH i entiteta, Brčko distrikta BiH i Kantona, intenziviranje aktivnosti od strane ove Uprave policije predstavlja samo jedan od mehanizama u cilju osiguranja efikasnijeg procesuiranja najsloženijih i najprioritetnijih predmeta.

S tim u vezi, navedenu kancelariju u Ministarstvu unutrašnjih poslova Bosansko-podrinjskog kantona će koristiti pored policijskih službenika Detašman Sarajevo za područje Kantona Sarajevo i Bosansko-podrinjskog Kantona, policijski službenici Centara za istraživanje ratnih zločina, Sektora za podršku, te po potrebi i policijski službenici ostalih istražnih organizacionih jedinica Federalne uprave policije.

Kada je u pitanju odnos Federalne uprave policije i uprava policija kantonalnih ministarstva unutrašnjih poslova, isti se bazira na subordinaciji, koordinaciji, saradnji i međusobnom izvještavanju na temelju odredbi Zakona o unutrašnjim poslovima FBiH, te važećih Sporazuma, Memoranduma i drugih propisa kojima su definisani poslovi iz nadležnosti ove Uprave.

Napominjemo da smo isti odgovor dostavili i Domu naroda Parlamenta Federacije Bosne i Hercegovine aktom broj 09-04-3-2570 od 11.11.2021. godine, a na traženje istog aktom broj 05/2-02-425/21 od 08.11.2021.godine.

S poštovanjem,

**ZAMJENIK DIREKTORA
GENERALNI INSPEKTOR POLICIJE**

Ensad Korman

